

# Spòrtë-szpòrtë

## TÓMK FÓPKA

Slëchôta radio? Doma? W àutole? Czë zdôrzô sã, że mùszita przełączec, bò nie dô sã slëchac? Czedë? Na reklamach?

Jô robiã to colemã, jak czëjã, że mdze spòrt. Nierôz nie zdãżã i tej przëchôdzy slëchac, jak wëpòwiôdajã sã balôrze, satkarci a jiny. Tej-sej co cëkawégò rzeknie karna tat, to je trenëra. Czëj sã dobrze wslëchô w pôrãnosce spòrtowëch wëwiadów, tej jidze przewidzec, co taczë czë takô pòwië. Jim-ra nie do zgaraniô. Majãcë jiwë ò kùlturã fizycznã :) bédëjã pôrã jinëch przikładow do wëzwëskaniô:

Radiôwc: 0: 10? Nie bëł to wasz nôlepszi mecz....

Spòrtôwc: Z pòczãtkù szło nama czësto fëjno, w całoscë, czëj bëłë jëmë na swòji pòłowë. Tedë przëszło zmãczenië i jistnô chilawica z nieba. Ni mielë jëmë pasownëch bôtów na taczë warënczi...

R: 205 métrów. Nôdalszi skòk na pùrgach dzysô. Stolemôwô Skòcniô w Szimbarchù ôkôzała sã szczestlëwô dlô cebie.

S: Bël dobri wiater. Jesz na progù nie bëł jem gwë, jak dalek dolecã. Skòczk z Finlandie bë pewno pòlecôł dali, ale bôdôj gò w ôczë razyl blòsk antenowi wieżë w Chwaszczënie i zmilił czerënczi...

R: Górskô prëmia na Ôksëwim. Peletón dalek slôdë. Zôs czôrno-żôłti pierszi dojachelë na kôłach...

S: Jo, bò naszich kôłów kôła sã nôòkrãglészë. Mómë téz na nogach specjalné bôtci, cobë sã nama pińdalë nie pińdlaë...


R: Leno 2 métrë? Co sã stało? Szach za krótczi?

S: To sã mësli, że to je prostë tak ze szachã skòkac. Za pierszim razã mie sã za głãbòk wbił w zemiã – jaż mie ôdrzucëło. Pôzni przez biëgòwã stegnã przenëkna mie czôrne żabiskô. A jësz do te lëchô wëmówilë môjë nôzwëskô i całi stadion sã rzechôł...

R: Kùnc kùnców twój kón bëł nôpierszi.

S: Taczë òn prosto je nôpiarti. Reno baro szmakala mù seczka. Wëpił wãbórk tëchômianci. Ale czëj jem przë nim ze szrópã robił, pôrzknãł, że mùszimë kask lepszi kóntrakt zrobic...

To le je takô próba przed prôwdzëwim spòrtowim szpetôklã – relacjã na żëwô. Chcemë wzac taczich balôrzów i kòmëntërã jich graniô:



Nie bëło tak zle,  
a wiedno mòze bëc  
kask lepi. Czëjbë tak  
nie bëło, tej bë nie  
bëło to za dobrze.  
A tak: je, jak je.

Do kùncã pierszi pòłowë ôstalë jësz sztërdzëscë sztëre a pól minutë. Nad stadionã w Parchòwicach swiëcy słuñce, leno nie dlô wszëtczich. Wcyg je 0:0. Dlô tëch, co prawie włączëlë aparatë, mówiã, że grajã Spiący Bòjsowie z Bùfsańcëców kóntra Szadi ze Spòkójny Jómë. Ale kùnc z gùtorzenim, bò hewô bala sã przekùlnãła na pòłowã Szadëch. Nëkô z nią Lesk, jak pòzëwajã Bòlesa Kątóra. Je ju czësto krótkò. Mdze strzëlô! Nië! Bòjsa Jurk Wëstawinoga zatrzymôł jegò smialë rajd na brómka i... Szadi rëgnãlë. Czadzã. Czadzã. Czadzã petardë, co je kibùcowie szmërgnãlë na trôwã prosto pòd nodzi kaszëbsczich balôrzów. Gëldzynk. Jówka Gëldzynk tuńcëje z balã. Jeden procëmnik lezi. Drëdżi

sã wëbaranił. Trzeci... lëgł Jówka, co wpòdl na kretowiskò, co je prawie cëkawi grë toczk wëpchnãł w górã. Zagòtowało sã wkół toczkòwégò kòpcka. Cygnã sã za kòszulci. Gwizdnãł sãdza jednëmù z prawi piãscã za ùchò. Lëdzëska na tribùnach pòdskòkiwajã a krzëczã na òtmianë to: Szadi!, to: Bòjsë! Ale, ale, dze je bala? Na mùrawie

rëchò sã kòpc z balôrzów, a bala spòkójno lezi na stronie! Hewô Bògùsz Gùlòcz jã dozdrzòł i biëgò pòd brómka Bòjsów. Ni ma nikògò z ôbarnë! Mdze sòm na sòm! Brómkòrz Łapica chwëcył równak balã kùnuszakoma pòlców i cësnãł jã dalek za lëniã wëstrzódka bójiszczã. Donëkòł do ni Depta i biòtkujë sã z Szãtołã. Z lewi stronë wëbiëgl mû z pòmózkã Lesk. Krótkò je Wëstawinoga. Depta. Depta. Depta z Szãtołã. Pòdanië do Leska. Ten minãł Wëstawinogã. Jesz je Tóna Drapajk. Pòdl spùrgniãti. Lesk. Depta wëszedł pòd brómka. Lesk. Depta. I gò! Brómkarz Szadëch, Bruno Łapùch, zwiesyl głowã. Ale leno na sztót, bò kòpnãł balã do Wëstawinodzi. Ten dali do Kùlajka. Kùlajk, Kùlajk. Daleczë wrzucenië. Dobiegnãł Roztrãbarch. Jeden, drëdżi Bòjsa lezi. Szadi w ajtakù. Strzël z trzëdzëscë métrów. Słupk! Dobijô z główci Łëpkòwsczi i 1:1! Tëmczasã ôddòwómë głos do studia. Haló, haló! Gduńsk...

Jëmë, jëmë. Ze stadionu w Parchòwicach gòdelë do waji: Zygùsz Plesta a Waleri Klapëtnik. A më przeniëdzëmë do pòdrëchòwaniô piłkarsczëgò sezonu na Pòmòrzim. Nie bëło tak zle, a wiedno mòze bëc kask lepi. Czëjbë tak nie bëło, tej bë nie bëło to za dobrze. A tak: je, jak je. Do ùczëcò!